

69926
2



碩東橋曰韋公古詩當獨步唐室以其得漢魏之質也其下者亦在晉宋之間

又曰五言古詩先學韋應物然後諸家可入

劉涇溪曰古別離多矣此作更古者以其有清紫自然意如秋風曠野自難為懷

劉涇溪曰柔腸欲無而有不可

韋蘇州集卷之一

雜擬

擬古詩十二首

其一

辭君遠行邁。飲此長恨端。已謂道里遠。如何中
險艱。流水赴大壑。孤雲還暮山。無情尚有歸。行
子何獨難。驅車背鄉園。朔風卷行迹。嚴冬霜斷
肌。日入不遑息。憂歡容髮變。寒暑人事易。中心

劉云此卷此皆言之可傷

一作吹

一作慎



犯之色吾舊評
此詩去意深而
語淺

又曰結語沉痛
傷懷而不為妖
蕩怨曠之態如
此而止

君詎知。冰玉徒貞白。一作容

其二

黃鳥何關關。幽蘭亦靡靡。此時深閨婦。日照紗

搜索自無以加

窻裏娟娟雙青娥。微微啟玉齒。自惜桃李年。誤

身遊俠子。無事久離別。不知今生死。

紗一作綺

其三

峩峩高山巔。澗澗青川流。世人不自悟。馳謝如
驚風。風。百金非所重。厚意良難得。肯酒親與朋。芳

年樂京國。京城繁華地。軒蓋凌晨出。垂楊十二
衢。隱映金張室。漢宮南北對。飛觀齊白日。游泳
詠康時屬芳時。平生自云畢。

其四

綺樓何氛氲。朝日正杲杲。四壁含清風。丹霞射
其牖。玉顏上哀嚙。絕耳非世有。但感離恨情。不
知誰家婦。孤雲忽無色。邊馬為迴首。曲絕碧天
高。餘聲散秋草。徘徊帷中意。獨夜不堪守。思逐

劉涓溪曰別是
情麗超九入聖
可望而不可即
者末極尋常以
古調勝
又曰吾舊評此
詩云淡而綺
而不煩

朔風翔。一去千里道。

其五

嘉樹藹初綠。靡蕪吐幽芳。君子不在賞。寄之雲
路長。路長信難越。惜此芳時歇。孤鳥去不還。緘
情向天末。

其六

月滿秋夜長。驚鳥號北林。天河橫未落。斗柄當
西南。寒蛩悲洞房。好鳥無遺音。商飈一夕至。獨

宿懷重衾。舊交日千里。隔我浮與沉。人生豈草
木。寒暑移此心。

其七

酒星非所酌。月桂不為食。虛薄空有名。為君長
歎息。蘭蕙雖可懷。芳香與時息。豈如凌霜葉。歲
暮藹顏色。折柔將有贈。延意千里客。草木知賤
微。所貴寒不易。

其八

劉涓溪曰常言
常語枯淡欲無

劉涓溪曰月滿
穩夜長但括一
語誰不知是蘇
州之妙然得之

全篇甚難非嘗
編閱不知此編
具眼度化後來
姑茲此例
顧東橋云此詩
絕勝選

鍾惺散云香無
為尚勞躬之下
即以美人奪南
國一改接之若
斷若不斷真是
古人氣脈知之
者少

劉須溪曰單居
兩語流動自然

非渡苦吟所及
未意耿々情性
適然不假外物
而見

神州高爽地。遐瞰靡不通。寒月野無綠。寥寥天
宇空。陰陽不停馭。鍾惺生理貞脆各有終。汾沮何鄙儉。考
槃何退窮。反志解牽跼。無為尚勞躬。美人奪南
國。一笑開芙蓉。清鏡理容髮。一作雲褰簾出深重。艷曲
呈皓齒。舞羅不堪風。慊慊情有待。贈芳為我容。
可嗟青樓月。流影君帷中。

其九

春至林木變。洞房夕含清。單居誰能裁。好鳥對

我鳴。良人久燕趙。新愛移平生。別時雙鴛綺。留
此千恨情。碧草生舊迹。綠琴歇芳聲。一作期將魂夢
歡。反側寐不成。一作學來迷處所。又起望前庭起望空前庭。孤影
中自惻。不知雙涕零。

其十

秋天無留景。萬物藏光輝。落葉隨風起。一作遠愁人獨
何依。一作明華月屢圓缺。君還浩無期。如何雨絕天。一作雲雨絕
去音問違。一作塵

顧東橋云古意
古語

劉須溪云不言
不發情意甚真
但覺憑情綺語
皆不足道
桂天祥云入陶
集中不可辨

劉須溪云其意
正平而朴素可
尚非無術麗靜
且不慘

其十一

有客天一方。寄我孤桐琴。迢迢萬里隔。託此傳
幽音。冰霜中自結。龍鳳相與吟。絃以明直道。漆
以固交深。一作形

其十二

白日淇上沒。空閨生遠愁。寸心不可限。淇水長
悠悠。芳樹自妍芳。春禽自相求。徘徊東西廂。孤
妾誰與儔。年華逐絲淚。一落俱不收。一作難
自妍芳一作自交結
一作正妍儔

雜體

沉沉匣中鏡。爲此塵垢蝕。輝光何所如。月在雲
中黑。南金旣彫錯。鞶帶共輝飾。空存鑿物名。坐
使妍媸惑。美人竭肝膽。思照冰玉色。自非磨瑩
工。日日空歎息。

一作字
古宅集祆鳥。羣號枯樹枝。黃昏窺人室。鬼物相

與期。居人不安寢。搏擊思此時。豈無鷹與鷂。飽
肉不肯飛。旣乖逐鳥節。空養凌雲姿。孤奉肉食

恩何異城上鴟。

春羅雙鴛鴦。出自寒夜女。心精煙霧色。指歷千

萬緒。長安貴豪家。一作室妖艷不可數。裁此百日功。唯

將一朝舞。舞罷復裁新。豈思勞者苦。

同聲自相應。體質不必齊。誰知賈人鐸。能使大

樂諧。鏗鏘發宮徵。和樂變其哀。人神既昭享。鳳

鳥亦下來。豈非至賤物。一奏升天階。物情苟有

合。莫問玉與泥。

高棟云此用人之意也宛轉發越隱約可恨

碌碌荆山璞。卞和獻君門。荆璞非有求。和氏非有恩。所獻知國寶。至公不待言。是非吾欲默。此道今豈存。

與友生野飲效陶體

桂云體頗渾朴着以芳艷字

攜酒花林下。前有千載墳。於時不共酌。柰此泉下人。始自翫芳物。行當念徂春。聊舒遠世蹤。坐望還山雲。且遂一歡笑。焉知賤與貧。

劉頌溪云含章林素點合自然桂天祥云故輕重相當只坐望還山雲是何等意興

效何水部

玉宇含清露。香籠散輕煙。應當結沉抱。難從茲

夕眠。

夕漏起。遙怨蟲響亂。秋陰反覆。相思字。中有故

人心。

效陶彭澤

霜露悴百草。時菊獨妍華。物性有如此。寒暑其
柰何。掇英泛濁醪。日入會田家。盡醉茅簷下。一
生豈在多。

顧云只是真得陶意故下此手

劉涓漢云物性
而語似達似怨
甚好
又云蘇州詩去
陶自返至效陶
則復取王夷甫
語用之故晉人
無不有風致可
愛也

燕集

大梁亭會李四栖梧作

梁王昔愛才。千古化不泯。平聲至今蓬池上。遠集八

方賓。車馬平明合。城郭滿埃塵。逢君一相許。豈

要平生親。入仕三十載。如何獨未伸。英聲久籍

籍。臺閣多故人。置酒發清彈。相與樂佳辰。一作將孤亭

得長望。白日下廣津。富貴良可取。一作求竭來西入秦。

秋風旦夕起。安得客梁陳。

燕李錄事

與君十五侍皇闈。曉拂爐煙上赤墀。花開漢苑
經過處。雪下驪山沐浴時。近臣零落今猶在一作誰仙
駕飄飄不可期。此日相逢思舊日。一杯成喜亦
成悲。

淮上喜會梁川故人

江漢曾為客。相逢每醉還。浮雲一別後。流水十
年間。歡笑情如舊。蕭疎鬢已斑。何因北歸去。淮

上對秋山一作看

揚州偶會前洛陽盧耿王簿

應物頃貳洛陽常有連騎

之遊

楚塞故人稀。相逢本不期。猶存袖裏字。忽怪鬢
中絲。客舍盈樽酒。江行滿篋詩。更能連騎出。還
似洛橋時。

賈常侍林亭燕集

高賢侍天階一作坐跡顯心獨幽。朱軒鶩關右。池館在

東周繚繞接都城。氤氳望嵩丘。羣公盡詞客。方
駕永日遊。朝旦氣候佳。逍遙寫煩憂。綠林靄已
布。華沼澹不流。凌露摘幽草。涉煙翫輕舟。圓荷
既出水。廣厦可淹留。放神遺所拘。觥罰屢見酬。
樂燕良未極。安知有沉浮。醉罷各云散。何當復
相求。

月夜會徐十一草堂

空齋無一事。岸幘故人期。暫輟觀書夜。還題翫

月詩。遠鐘高枕後。清露卷簾時。暗覺新秋近。殘
河欲曙遲。

移疾會詩客。元生與釋子。法朗因貽諸祠

曹

對此嘉樹林。獨有戚戚顏。抱瘵知曠職。淹旬非
樂閑。釋子來問訊。詩人亦扣關。道同意暫遣。客
散疾徐還。園徑自幽靜。玄蟬噪其間。高窻瞰遠
郊。暮色起秋山。英曹幸休暇。一作恨恨恨心所攀。

慈恩伽藍清會

素友俱薄世。屢招清景賞。鳴鍾悟音聞。宿昔心
已往。重門相洞達。高宇亦遐朗。一作通嵐嶺曉城分。清
陰夏條長。一作清條夏陰長氤氛芳臺馥。蕭散竹池廣。平荷隨波
泛。迴飈激林響。蔬食遵道侶。泊懷遺滯想。何彼
塵昏人。區區在天壤。

夜偶詩客操公作

塵襟一蕭灑。清夜得禪公。遠自鶴林寺。了知人

世空。驚禽翻暗葉。流水注幽叢。多謝非玄度。聊
將詩興同。

與韓庫部會王祠曹宅作

一作開閉門陰堤柳。秋渠含夕清。微風送荷氣。坐客散
塵纓。守默共無恡。抱冲俱寡營。良時頗高會。琴
酌共開情。

晦日處士叔園林燕集

遽看萸葉盡。坐闕芳年賞。賴此林下期。清風滌

煩想始萌動。新照佳禽發。幽響嵐嶺對。高齋春
流灌。蔬壤罇酒遺。形迹道言屢。開獎幸蒙終。夕
懽聊用稅歸鞅。

扈亭西陂燕賞

杲杲朝陽時。悠悠清陂望。嘉樹始氤氳。春遊方
浩蕩。况逢文翰侶。愛此孤舟漾。綠野際遙波。橫
雲分疊嶂。公堂日爲倦。幽襟自茲曠。有酒今滿
盈。願君盡弘量。

劉涇溪云淺語
流動稱情

西郊燕集

濟濟衆君子。高宴及時光。羣山靄遐矚。綠野布
熙陽。列坐遵曲岸。披襟襲蘭芳。野庖薦嘉魚。激
澗泛羽觴。衆鳥鳴茂林。綠草延高岡。盛時易徂
謝。浩思坐飄颺。眷言同心友。茲遊安可忘。

春宵燕萬年吉少府中孚南館

始見斗柄迴。復茲霜月霽。河漢上縱橫。春城夜
迢遞。賓筵接時彥。樂燕凌芳歲。稍愛清觴滿。仰

顧東橋云用字
用意皆在唐人
中

劉涇溪云不獨
閑靜氣緊又闊
可諷

歎高文麗。欲去返郊扉。端爲一歡滯。

滁州園池燕元氏親屬

一作親

日暮遊清池。疎林羅高天。餘綠飄霜露。夕氣變風煙。水門架危閣。竹亭列廣筵。一展私姻禮。屢歎芳罇前。感徃在茲會。傷離屬頽年。明晨復云去。且願此留連。

郡樓春燕

衆樂雜軍鞞。高樓邀上客。思逐花光亂。賞餘山

景夕。爲郡訪彫瘵。守程難損益。聊假一杯歡。暫忘終日迫。

南塘泛舟會元六昆季

端居倦時燠。輕舟泛迴塘。微風飄襟散。橫吹繞林長。雲澹水容夕。雨微荷氣涼。一寫惰勤意。寧用訢華觴。

一作計

郡齋雨中與諸文士燕集

兵衛森畫戟。宴寢凝清香。海上風雨至。逍遙池

顧東橋云天趣
高遊

白樂天云最為
警策
揚用修曰詩話

蘇詩首四句為
一代絕唱余讀
其全篇每恨其
結句吳中云云
乃類張打油之
語雖村教督亦
不至是繆戾也
後見宋人韻俸
篇無後四句又
頌况和篇亦止
十六句乃知為
吳中淺學所增
以羨其風土而
不知釋迦佛下
不可着糞也

閣涼。煩病近消散。嘉賓復滿堂。自慙居處崇。未
覩斯民康。理會是非遣。性達形迹忘。鮮肥屬時
禁。蔬果幸見嘗。俯飲一杯酒。仰聆金玉章。神歡
體自輕。意欲凌風翔。一作雲吳中盛文史。羣彥今汪洋
方知大藩地。豈曰財賦疆。一作疆

軍中冬燕

滄海已云晏。皇恩猶念勤。式燕徧怛秩。柔遠及
斯人。茲邦實大藩。代鼓軍樂陳。是時冬服成。戎

士氣益振。平聲虎竹謬朝寄。英賢降上賓。旋罄周旋
禮。媿無海陸珍。庭中九劔闌。堂上歌吹新。光景
不知晚。觥酌豈言頻。單醪昔所感。大醪况同忻。
顧謂軍中士。仰荅何由申。

司空主簿琴席

煙華方散薄。蕙氣猶含露。澹景發清琴。幽期默
一作云玄悟。留連白雪意。斷續迴風度。掩抑雖已終。忡
忡在幽素。

與村老對飲

鬚眉雪色猶嗜酒。言辭淳朴古人風。鄉村年少
生離亂。見話先朝如夢中。

韋蘇州集卷之一終

韋蘇州集卷之二

寄贈上

城中卧疾知閭薛。二子屢從邑令飲。因以

贈之

車馬日蕭蕭。胡不枉我廬。方來從令飲。卧病獨

何如。秋風起漢臯。開戶望平蕪。卽此恹音素。焉

知中密疎。渴者不思火。寒者不求水。人生羈寓

時。去就當如此。猶希心異迹。眷眷存終始。

劉涓溪云真素
羞疑亦令人所
恨道
鍾伯敬云非不
和平說到世情
逼人處亦自慷
慨不覺

鍾云婉而
一作表
譚及夏云心
異迹三字妙
交道暢然

譚夏夏云水何嘗自云妙鍾伯敬云胸中無領會如何吐得此語

聽嘉陵江水聲寄深上人

鑿崖泄奔湍。稱古神禹跡。夜喧山門店。獨宿不安席。水性自云靜。一作為石中本無聲。如何兩相激。雷轉空山驚。貽之道門舊。了此物我情。

高陵書情寄三原盧少府

直方難為進。守此微賤班。開卷不及顧。沉埋案牘間。兵凶一作五久相踐。徃賦豈得閑。促戚下可哀。寬政身致患。日夕思自退。出門望故山。君心儻如

此攜手相與還。

假中對雨呈縣中僚友

卻足甘為笑。一作堪閑居夢杜陵。殘鶯知夏淺。社雨報年登。流麥非關忘。收書獨不能。自然憂曠職。緘此謝良朋。

贈蕭河南

厭劇辭京縣。褒賢待詔書。鄩侯方繼業。潘令且閑居。霽後三川冷。一作深秋深萬木疎。對琴無一事。新

興復何如。

示從子河南尉班 并序

永泰中余任洛陽丞。以撲扶軍騎。時從子河南尉班亦以剛直為政。俱見訟於居守。因詩示意。府縣好我者。豈曠斯文。拙直余恒守。公方爾所存。同占朱鳥尅。俱起小人言。立政思懸棒。謀身類觸藩。不能林下去。祇戀府延恩。

趨府候曉呈兩縣僚友

趨府不遑安。中宵出戶看。滿天星尚在。近壁燭一作猶仍殘。立馬頻驚曙。垂簾却避寒。可憐同官者。一作始應悟下流難。

贈李儋

絲桐本異質。音響合自然。一作今吾觀造化意。二物相因緣。誤觸龍鳳嘯。靜聞寒夜泉。心神自安宅。煩慮頓可捐。何因知久要。筓白漆亦堅。

鍾伯敬云清深近古
葛常之云韋應物聽嘉陵江聲云水性自云靜石中木無聲如何兩相激雷傳

空山鳴與此絲
桐四句意頗相
類然應物未晚
所謂非因非緣
亦非自然者

贈盧嵩

百川注東海。東海無虛盈。泥滓不能濁。澄波非
益清。恬然自安流。日照萬里晴。雲物不隱象。三
山共分明。柰何疾風怒。忽若基柱傾。海水雖無
心。洪濤亦相驚。怒號在倏忽。誰識變化情。

寄馮著

春雷起萌蟄。土壤日已疎。胡能遭盛明。才俊伏
里閭。偃仰遂真性。所求唯斗儲。披衣出茅屋。盥
漱臨清渠。吾道亦自適。退身保玄虛。幸無職事
牽。且覽按上書。親友各馳驚。誰當訪弊廬。思君
在何夕。明月照廣除。

早春對雪寄前殿中元侍御

掃雪開幽徑。端居望故人。猶殘臘月酒。更值早
梅春。幾日東城陌。何時曲水濱。聞閑且共賞。莫
待繡衣新。

贈王侍御

心同野鶴與塵遠。詩似冰壺見底清。府縣同趨
昨日事。升沈不改故人情。上陽秋晚蕭蕭雨。洛
水寒來夜夜聲。自歎猶爲折腰吏。一作客可憐驄馬路
傍行。

將往江淮寄李十九儻

余自西京至李又發河洛同道不遇

鷺鷥東向來。文鷁亦西飛。如何不相見。羽翼有
高卑。徘徊到河洛。華屋未及窺。秋風飄我行。遠
與淮海期。迴首隔煙霧。遙遙兩相思。陽春自當

返。短翮欲追隨。

自鞏洛舟行入黃河卽事寄府縣僚友

夾水蒼山路向東。東南山豁大河通。寒樹依微
遠天外。夕陽明滅亂流中。孤村幾歲臨伊岸。一
鴈初晴下朔風。爲報洛橋遊宦侶。扁舟不繫與
心同。

寄盧庾

悠悠遠離別。分此歡會難。如何兩相近。反使心

鍾伯敬云悲厚

不安。亂髮思一櫛。垢衣思一浣。豈如望友生。對酒起長歎。時節異京洛。孟冬天未寒。廣陵多車馬。日夕自遊盤。獨我何耿耿。非君誰為歡。

發廣陵留上家兄兼寄上長沙

將違安可懷。宿戀復一方。家貧無舊業。薄宦各飄颻。執板身有屬。淹時心恐惶。拜言不得留。聲結淚滿裳。漾漾動行舫。亭亭遠相望。離晨苦須臾。獨往道路長。蕭條風雨過。得此海氣涼。感秋

鍾伯敬云得此二字妙

鍾伯敬云古甚

意已違。况自結中腸。推道固當遣。及情豈所忘。何時共還歸。舉翼鳴春陽。

初發揚子寄元大校書

此云悟出此與關去脫纏擾

淒淒去親愛。泛泛入烟霧。歸棹洛陽人。殘鍾廣陵樹。今朝此為別。何處還相遇。世事波上舟。沿洄安得住。

淮上即事寄廣陵親故

前舟已渺渺。欲度誰相待。秋山起暮鍾。楚雨連

劉云好句

劉涓溪云風波兩語足以極初別之懷

又云獨鳥下東南
南偶然景偶然
語亦不可再得

滄海風波離思滿作遠宿昔容鬢改。獨鳥下東南。廣
陵何處在。桂云用在字韻尤妙

寄洪州幕府盧二十一侍御自南昌令拜
頃同官洛陽

忽報南昌令。乘驄入郡城。同時趨府客。此日望
塵迎。文苑臺中妙。冰壺幕下清。洛陽相去遠。猶
使故林榮。

經少林精舍寄都邑親友

息駕依松嶺。高閣一攀緣。前瞻路已窮。既詣喜

更延。出巘聽萬籟。入林濯幽泉。鳴鍾生道心。暮
磬空雲煙。一作鐘獨往雖暫適。多累終見牽。方思結茅
地。歸息期暮年。

同長源歸南徐寄子西子烈有道

東洛何蕭條。相思邈遐路。策駕復隨遊。一作出入亦無入門無
與晤。還因送歸客。達此緘中素。屢睽心所歡。豈
得顏如故。所歡不可睽。嚴霜晨淒淒。如彼萬里
行。孤妾守空閨。臨觴一長嘆。素欲何時諧。

雪中聞李儋過門不訪聊以寄贈

度門能不訪。冒雪屢西東。已想人如玉。遙憐馬
似驄。乍迷金谷路。稍變上陽宮。還比相思意。紛
紛正滿空。

同德精舍養疾寄河南兵曹東廳掾

逍遙東城隅。雙樹寒葱蒨。廣庭流華月。高閣凝
餘霰。杜門非養素。抱疾阻良讌。孰謂無他人。思
君歲云變。官曹亮先黍。陳躅慙俊彥。豈知晨與

夜相代不相見。緘書問所如。作如訓藻當芬紉。

同德寺雨後寄元侍御李博士

川上風雨來。須臾滿城闕。岩堯青蓮界。一作字蕭條孤
興發。前山遽已淨。陰靄夜來歇。喬木生夏涼。流
雲吐華月。嚴城自有限。一水非難越。相望曙河
遠。高齋坐超忽。

同德閣期元侍御李博士不至各投贈二

首

庭樹忽已暗。故人那一作何不來。祇應厭煩暑。永日坐
霜臺。

官榮多所繫。閑居亦憊期。高閣猶相望。青山欲
暮時。

使雲陽寄府曹

夙駕祇府命。冒炎不遑息。百里次雲陽。閭閻問
漂溺。上天屢憊氣。胡不均寸澤。仰瞻喬樹顛。見
此洪流跡。良苗免湮沒。蔓草生宿昔。頽墉滿故

墟。返喜將安宅。周旋涉塗潦。側峭緣溝脉。仁賢
憂斯民。賤子甘所役。公堂衆君子。言笑思與覲。

過扶風精舍舊居簡朝宗巨川兄弟

佛刹出高樹。晨光閭井中。年深念陳跡。迨此獨
忡忡。零落逢故老。寂寥悲草蟲。舊宇多改構。幽
篁延本藜。栖止事如昨。芳時去已空。佳人亦携
手。再往今不同。新文聊感舊。想子意無窮。

贈令狐士曹

自八月朔旦同使藍田淹留
沙季事先半日而待故有戲

贈

秋簷作霜滴滴對牀寢。山路迢迢聯騎行。到家俱及東籬菊。何事先歸半日程。

贈馮著

契濶仕兩京。念子亦飄蓬。方來屬追往。十載事不同。歲晏乃云至。微褐還未充。慘悽遊子情。風雪自關東。華觴發懽顏。嘉藻播清風。始此盈抱恨。曠然一夕中。善蘊豈輕售。懷才希國工。誰當

念素士。零落歲華空。

對雨寄韓庫部協

風至池館涼。靄然和曉霧。蕭條集新荷。氛氲散高樹。閑居興方淡。默想心已屢。暫出仍濕衣。况君東城住。

寄子西

夏景已難度。懷賢思方續。喬樹落疎陰。微風散煩燠。傷離在芳札。忻遂見心曲。藍上舍已成。田

家雨新足。託鄰素多欲。一作願殘秩猶見束。日夕上高齋。但望東原綠。

縣內閑居贈溫公

滿郭春風嵐已昏。雅栖散吏掩重門。雖居世網常清淨。夜對高僧無一言。

對雪贈徐秀才

靡靡寒欲收。靄靄陰還結。晨起望南端。千林散春雪。妍光屬瑤階。亂緒凌新節。無爲掩扉卧。獨

守袁生轍

西郊遊宴寄贈邑僚李巽

升陽暖春物。置酒臨芳席。高宴闕英僚。衆賓寡歡懌。是時尚多壘。板築興頽壁。羈旅念越疆。領徒方祗役。如何嘉會日。當子憂勤夕。西郊鬱已茂。春嵐重如積。何當返徂雨。雜英紛可惜。

對雨贈李主簿高秀才

邈迤曙雲薄。散漫東風來。青山滿春野。微雨灑

輕埃。吏局勞佳士。賓筵得上才。終朝狎文墨。高興共徘徊。

休沐東還胄貴里示端

宦遊二十載。田野久已疎。休沐遂茲日。一來還故墟。山明宿雨霽。風暖百卉舒。泓泓野泉潔。熠熠林光初。竹木稍摧翳。園場亦荒蕪。俯驚鬢已衰。周覽昔所娛。存沒惻私懷。遷變傷里閭。欲言少留心。中復畏簡書。世道良自退。榮名亦空虛。

與子終携手。歲晏當來居。

朝請後還邑寄諸友生

宰邑分旬服。夙駕朝上京。是時當暮春。休沐集友生。抗志青雲表。俱踐高世名。尊酒具懽樂。文翰亦縱橫。良遊昔所希。累讌夜復明。晨露合理璫。琴夕風殞素英。一旦遵歸路。伏軾出京城。誰言再念別。忽若千里行。閑閣寡誼訟。端居結幽情。况茲晝方永。展轉何由平。

澧上西齋寄諸友

七月 中善福
之西齋作

絕岸臨西野。曠然塵事遙。清川下邈迤。茅棟上
岩堯。翫月愛佳夕。望山屬清朝。俯砌視歸翼。開
襟納遠颺。等陶辭小秩。効朱方負樵。閑遊忽無
累。心跡隨景超。明世重才彥。雨露降丹霄。羣公
正雲集。獨予欣寂寥。

獨遊西齋寄崔主簿

同心忽已別。昨事方成昔。幽徑還獨尋。綠苔見

劉涓子云蕭然

今昔之感

行跡。秋齋正蕭散。煙水易昏夕。憂來結幾重。非
君不可釋。

紫閣東林居士叔緘賜松英丸捧對忻喜
蓋非塵侶之所當服輒獻詩代啟

碧澗蒼松五粒稀。侵雲采去露沾衣。夜啟羣仙
合靈藥。朝思俗侶寄將歸。道場齋戒今初服。人
事葷羶已覺非。一望嵐峯拜還使。腰間銅印與
心違。

鍾伯敬云自處
三人謙厚真率

鍾伯敬云古道

秋集罷還途中作謹獻壽春公黎公

束帶自衡門。奉命宰王畿。君侯柱高鑒。舉善掩
瑕疵。斯民本已安。譚云善於立言工拙兩無施。何以酬明德。歲
晏不磷緇。時節乃來集。欣懷方載馳。平明大府
開。一得拜光輝。温如春風至。肅若嚴霜威。羣屬
所載瞻。而忘倦與饑。公堂燕華筵。禮罷復言辭。
將從平門道。憩車澧水湄。山川降嘉歲。草木蒙
潤滋。孰云還本邑。懷戀獨遲遲。

閑居贈友

補吏多下遷。罷歸聊自度。園廬既蕪沒。煙景空
澹泊。閑居養痾瘵。守素甘葵藿。顏鬢日衰耗。冠
帶亦寥落。青苔已生路。綠筠始分籜。夕氣下遙
陰。微風動疎薄。草玄良見誚。杜門無請託。非君
好事者。一作能誰來顧寂寞。

四禪精舍登覽悲舊寄朝宗巨川兄弟

蕭散人事憂。迢遰古原行。春風日已暄。百草亦

復生。躋閣謁金像。攀雲造禪扃。新景林際曙。雜
花川上明。徂歲方緬邈。陳事尚縱橫。溫泉有佳
氣。馳道指京城。携手思故日。山河留恨情。存者
邈難見。去者已冥冥。臨風一長慟。誰畏行路驚。
善福閣對雨寄李儋幼遐

飛閣凌太虛。晨躋鬱崢嶸。驚飈觸懸檻。白雲冒
層甍。太陰布其地。密雨垂八紘。仰觀固不測。俯
視但冥冥。感此窮秋氣。沉鬱命友生。及時策高
步。羈旅遊帝京。聖朝無隱才。品物俱昭形。國士
秉繩墨。何以表堅貞。寸心東北馳。思與一會并。
我車夙已駕。將逐晨風征。郊塗住成淹。默默阻
中情。

寺居獨夜寄崔主簿

幽人寂不寐。一作興木葉紛紛落。寒雨暗深更。流螢度
高閣。坐使青燈曉。還傷夏衣薄。寧知歲方晏。離
居更蕭索。

九日澧上作寄崔主簿倬二季端繫

淒淒感時節。望望臨澧溪。翠嶺明華秋。高天澄
遙滓。川寒流愈迅。霜交物初委。林葉索已空。晨
禽迎颺起。時菊乃盈泛。濁醪自爲美。良遊雖可
娛。殷念在之子。人生不自省。營欲無終已。孰能
同一酌。陶然冥斯理。

西郊養疾聞暢校書有新什見贈久佇不
至先寄此詩

養病愜清夏。郊園敷卉木。窻夕一作夕含澗涼。雨餘愛
筠綠。披懷始高詠。對琴轉幽獨。仰子遊羣英。吐
詞如蘭馥。還聞枉嘉藻。停望延昏旭。唯見草青
青。閉門澧水曲。

澧上寄幼遐

寂寞到城闕。惆悵返柴荆。端居無所爲。念子遠
徂征。夏晝人已息。我懷獨未寧。忽從東齋起。兀
兀尋澗行。罨罨叢榛密。披翫孤花明。曠然西南

望一極山水情。周覽同遊處。逾恨阻音形。壯圖非旦夕。君子勤令名。勿復久留讌。蹉跎在北京。

善福精舍示諸生

湛湛嘉樹陰。清露夜景沉。悄然羣物寂。高閣似陰岑。方以玄默處。豈為名跡侵。一作泛如法妙不知歸。獨此抱冲襟。齋舍無餘物。陶器與單衾。諸生時列坐。共愛風滿林。

晚出灋上贈崔都水

臨流一舒嘯。望山意轉延。隔林分落景。餘霞明遠川。首起趨東作。已看耘夏田。一從民里居。歲月再徂遷。昧質得全性。世名良自牽。行欣携手歸。聊復飲酒眠。

寓居灋上精舍寄于張二舍人

萬木藜雲出香閣。西連碧澗竹林園。高齋獨宿遠山曙。微霰下庭寒。雀喧道心淡泊對流水。生事蕭疎空掩門。時憶故交那得見。曉排閭闔奉

劉涓溪云甚有佳致可誦
鍾伯敬云牧得悠然颯然

劉涓溪云寂寞有沉着意

明恩。

開元觀懷舊寄李二韓二裴四兼呈崔郎
中嚴家令

宿昔清都燕。分散各西東。車馬行跡在。霜雪竹
林空。方軫故物念。誰復一樽同。聊披道書暇。還
此聽松風。

春日郊居寄萬年吉少府中孚三原少府
偉夏侯校書審

谷鳥時一嘯。田園春雨餘。光風動林早。高窓照
日初。獨飲澗中水。吟詠老氏書。城闕應多事。誰
憶此閑居。

澧上醉題寄滌武

芳園知夕燕。西郊已獨還。誰言不同賞。俱是醉
花間。

西郊期滌武不至書示

山高鳴過雨。澗樹落殘花。非關春不待。當由期

自賒。

灋上對月寄孔諫議

思懷在雲闕。泊素守中林。出處雖殊跡。明月兩
知心。

將往滁城戀新竹簡崔都水示端

停車欲去繞藜竹。偏愛新筠十數竿。莫遣兒童
觸瓊粉。留待幽人迴日看。

還闕首途寄精舍親友

休沐日云滿。冲然將罷官。嚴車候門側。晨起正
朝冠。山澤含餘雨。川澗注驚湍。攬轡遵東路。迴
首一長歎。居人已不見。高閣在林端。

秋夜南宮寄灋上第及諸生

暝色起煙閣。沉抱積離憂。况茲風雨夜。蕭條梧
葉秋。空宇感涼至。頽頽驚歲周。日夕遊闕下。山
水憶同遊。

塗中書情寄灋上兩弟因送二甥却還

華簪豈足戀。幽林徒自違。遙知別後意。寂寞掩
郊扉。回首昆池上。更羨爾同歸。

雪夜下朝呈省中一絕

南望青山滿禁闈。曉陪鴛鴦正差池。共愛朝來
何處雪。蓬萊宮裏折松枝。

贈孫微時赴雲中

黃驄少年舞雙戟。日視傍人皆辟易。百戰曾誇
隴上兒。一身復作雲中客。寒風動地氣蒼茫。橫

笛先悲出塞長。敲石軍中傳夜火。斧冰河畔汲
朝漿。前鋒直指陰山外。虜騎紛紛剪應碎。匈奴
破盡看君歸。金印酬功如斗大。

冬夜宿司空野居因寄酬贈

南北與山隣。蓬庵庇一身。繁霜疑有雪。荒草似
無人。遂性在耕稼。所交唯賤貧。何緣張掾傲。每
重德璋親。

寄荅祕書王丞

相看頭白來城闕。却憶漳溪舊往還。今體詩中
偏出格。常叅官裏每同班。街西借宅多臨水。馬
上逢人亦說山。芸閣水曹雖至冷。與君常喜得
身閑。

書懷寄顧八處士

自小難收疎懶性。人間萬事總無功。別從仙客
求方法。曾到僧家問苦空。老大登朝如夢裡。貧
窮作話是村中。未能卽便休官去。慙愧南山採

藥翁

韋蘇州集卷之二終



